

<b>Redni broj</b>	<b>LOKACIJA I OPIS</b>	<b>UKUPNO KM</b>
<b>13.</b>	<b>ZAVOD ZA ALKOHOLIZAM I DRUGE TOKSIKOMANIJE</b>  Izgradnja objekta Zavoda za alkoholizam i druge toksikomanije (zadržana sredstva Izvođaču za dobro izvršenje Ugovora do okončanja sudskog spora)	<b>169.555,50 KM</b>
<b>14.</b>	Troškovi pribavljanja saglasnosti JKP-a za potrebe izdavanja odobrenja za građenje za razne projekte i investitore	<b>24.479,30 KM</b>
<b>U K U P N O</b>		<b>3.265.510,00 KM</b>

namjenskom računu projekata Zavoda za izgradnju Kantona Sarajevo u okviru JRT-a Kantona Sarajevo.

Kako se Kapitalni projekti realiziraju kroz više budžetskih godina, putem Zavoda za izgradnju Kantona Sarajevo će se nastaviti realizacija kapitalnih investicija koje su predviđene budžetom Kantona Sarajevo i budžetom Općina Kantona Sarajevo za 2017. godinu, a odnose se na:

- rješavanje imovinskopravnih odnosa za proširenje Groblja Vlakovo. . . . . 1.400.000,00 KM
- izgradnja III faze DZ "Kumrovec" do visine obezbjeđenih sredstava. . . . . 750.000,00 KM
- izgradnja objekta "Akademija scenskih umjetnosti" (kreditna sredstva) . . . . . 1.500.000,00 KM
- nastavak izgradnje i sanacije bazena na Fakultetu sporta i tjelesnog odgoja . . . 1.700.000,00 KM
- implementacija projekta sanacije klizišta na području Kantona Sarajeva do visine obezbijedenih sredstava
- rekonstrukcija i sanacija JR na području Općina Kantona Sarajeva do visine obezbijedenih sredstava
- vršenje stručno-tehničkog nadzora na projektima Ministarstava Kantona Sarajevo
- vršenje stručno-tehničkog nadzora za projekte Općina Kantona Sarajevo

#### **Vlada Kantona Sarajevo**

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi sa članom 37. stav (1) Uredbe o organizaciji i načinu naplate parkiranja u Kantonu Sarajevo ("Službene novine Kantona Sarajevo", broj 25/16), Vlada Kantona Sarajevo, na 78. sjednici održanoj 30.03.2017. godine, donijela je

#### **ODLUKU**

#### **O IZMJENAMA ODLUKE O CIJENAMA PARKING KARTE**

##### **I**

U Odluci o cijenama parking karte ("Službene novine Kantona Sarajevo", broj 8/17) tačka X mijenja se i glasi:

"X

Cijena mjesečnog zakupa garažnog mjesta:

- a) Ciglane garaža 1 (zatvoreni dio) . . . =90,00 KM sa PDV
- b) Ciglane garaža 1 (otvoreni dio) . . . =80,00 KM sa PDV
- c) Dobrinja I garaža 1, 2 i 3 (zatvoreni dio) . . . . . =60,00 KM sa PDV
- d) Dobrinja I garaža 1, 2 i 3 (otvoreni dio)=40,00 KM sa PDV
- e) Dobrinja IV garaža (zatvoreni dio). . =60,00 KM sa PDV
- f) Dobrinja IV garaža 1 (otvoreni dio) . =40,00 KM sa PDV
- g) Dobrinja V garaža 1 i 2 (zatvoreni dio)=60,00 KM sa PDV
- h) Dobrinja V garaža 1 i 2 (otvoreni dio) =40,00 KM sa PDV
- i) Saraj polje garaža 1, 2, 3, 4 i 5 (zatvoreni dio) . . . . . =60,00 KM sa PDV
- d) Saraj polje garaža 1, 2,3, 4 i 5 (otvoreni dio) . . . . . =40,00 KM sa PDV

##### **II**

U tački XI podtačka a) mijenja se i glasi:

"a) "O" i "I" ZONA = 500,00 KM"

##### **III**

U tački XII podtačka a) mijenja se i glasi:

"a) "O" i "I" ZONA =600,00 KM"

IV

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-12401-47/17

30. marta 2017. godine

Sarajevo

Premijer

**Elmedin Konaković, s. r.**

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 34. stav 2. Zakona o ustanovama ("Službeni list RBiH", br. 6/92, 8/93 i 13/94) i člana 13. stav 2. Odluke o preuzimanju prava osnivača Javne ustanove "Kamerni teatar 55" ("Službene novine Kantona Sarajevo", broj 3/99 - Prečišćeni tekst, 33/07 i 1/13), Vlada Kantona Sarajevo, na 78. sjednici održanoj 30.03.2017. godine, donijela je

**RJEŠENJE**

**O RAZRJEŠENJU ČLANA NADZORNOG ODBORA  
JAVNE USTANOVE "KAMERNI TEATAR 55"**

I

Milenko Prstojević se razrješava dužnosti člana Nadzornog odbora Javne ustanove "Kamerni teatar 55" iz ličnih razloga.

II

Rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-05-12401-42/17

30. marta 2017. godine

Sarajevo

Premijer

**Elmedin Konaković, s. r.**

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), Vlada Kantona Sarajevo, na 78. sjednici održanoj 30.03.2017. godine, donijela je

**RJEŠENJE**

**O IMENOVANJU VRŠIOCA DUŽNOSTI ČLANA  
NADZORNOG ODBORA JAVNE USTANOVE  
"KAMERNI TEATAR 55"**

I

Za vršioca dužnosti člana Nadzornog odbora Javne ustanove "Kamerni teatar 55" na period od najviše tri (3) mjeseca imenuje se:

- Siniša Vukić, član

II

Rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-05-12401-43/17

30. marta 2017. godine

Sarajevo

Premijer

**Elmedin Konaković, s. r.**

Na osnovu člana 17. stav (3) Zakona o izvršavanju Budžeta Kantona Sarajevo za 2017. godinu ("Službene novine Kantona Sarajevo", broj 53/16) i čl. 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 78. sjednici održanoj 30.03.2017. godine, donijela je sljedeći

**ZAKLJUČAK**

1. Odobrava se preraspodjela sredstava u Budžetu Kantona Sarajevo za 2017. godinu u iznosu 11.530 KM, i to: sa razdjela 19010001 Ministarstvo finansija Kantona Sarajevo sa ekonomskog koda: 611100 - Bruto plaće i naknade 11.530 KM

na razdjel 12050001 Pravobranilaštvo Kantona Sarajevo na ekonomski kod:

- 613900 - Ugovorene i druge posebne usluge 11.530 KM
2. Ovaj Zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-05-12401-40/17

30. marta 2017. godine

Sarajevo

Premijer

**Elmedin Konaković, s. r.**

**Ministarstvo privrede**

Na osnovu člana 62. stav (3) Zakona o šumama Kantona Sarajevo ("Službene novine Kantona Sarajevo", broj 5/13), ministar privrede Kantona Sarajevo, donosi

**PRAVILNIK**

**O DOPUNAMA PRAVILNIKA O POSTUPKU I  
KRITERIJIMA ZA DODJELU NAMJENSKIH  
SREDSTAVA U OBLASTI ŠUMARSTVA IZ BUDŽETA  
KANTONA SARAJEVO**

Član 1.

(Novi član 2a.)

U Pravilniku o postupku i kriterijima za dodjelu namjenskih sredstava u oblasti šumarstva iz Budžeta Kantona Sarajevo ("Službene novine Kantona Sarajevo", br. 19/14 i 12/16) dodaje se novi član 2a. koji glasi:

"Član 2a.

(Provođenje postupka Javne nabavke)

Za projekte koji su obuhvaćeni usvojenim Programom utroška namjenskih sredstava iz člana 62. stav (2) Zakona o šumama Kantona Sarajevo ("Službene novine Kantona Sarajevo", broj 5/13), a koje KJP "Sarajevo - šume" i drugi korisnici iz člana (2) ovog pravilnika nisu u mogućnosti realizirati svojim resursima i kapacitetima ili nisu registrovani za obavljanje radova, postupak provođenja Javne nabavke provodit će Ministarstvo u skladu sa Zakonom o javnim nabavkama ("Službeni glasnik BiH", broj 39/14)".

Član 2.

(Dopuna člana 3. Pravilnika)

- (1) U članu 3. u stavu (1) iza tačke r) dodaje se tačka s) koja glasi: "s) nabavku opreme i izgradnju protupožarne šumske infrastrukture".
- (2) Iza stava (1) dodaje se novi stav (2) koji glasi: "(2) Izgradnja, održavanje i unaprjeđenje šumske putne infrastrukture iz stava (1) tačka m) ovog člana podrazumijeva sljedeće:
  - a) izgradnja šumskog puta podrazumijeva projektovanje, probijanje trase puta, nasipanje puta tamponom i valjanje, izgradnja kanala i propusta i asfaltiranje,
  - b) sanacija šumskog puta podrazumijeva nasipanje tampona na oštećene dijelove puta i valjanje, čišćenje i/ili izgradnja odvodnih kanala i propusta,
  - c) unaprjeđenje šumskog puta podrazumijeva izvođenje svih pripremnih radova u vidu nasipanja tampona, valjanje istog, čišćenje i/ili izgradnja odvodnih kanala i propusta i asfaltiranje".
- (3) Dosadašnji st. (2) i (3) postaju st. (3) i (4).

Član 3.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 07-01-02-7957/17

27. marta 2017. godine

Sarajevo

Ministar

**Dr. Muharem Šabić, s. r.**